

**-SAVJET ZA RODNU RAVNOPRAVNOST-**

Broj: 0101-2633-1/25

Sarajevo, 13. 03. 2025. godine

Z A P I S N I K**SA 8. SJEDNICE SAVJETA ZA RODNU RAVNOPRAVNOST
UNIVERZITETA U SARAJEVU
ODRŽANE 13. 03. 2025. GODINE ELEKTRONSKIM PUTEM****Članice/ovi Savjeta za rodnu ravnopravnost (obaviješteni putem e-maila):**

- Prof. dr. Amila Ždralović, predsjednica
- Dr. sc. Gaj Trifković, zamjenik predsjednice, član
- Prof. dr. Jasna Kovačević, članica
- Prof. dr. Ajla Demiragić, članica
- Prof. dr. Zilka Spahić-Šiljak, članica
- Prof. dr. Dženita Hadžijunuzović-Alagić, članica
- Prof. dr. Belma Memić, članica
- Van. prof. Džana Pinjo Haračić, članica i
- Dr. sc. Maida Hadžić Omanović, članica

Članicama i članovima Savjeta za rodnu ravnopravnost (u daljem tekstu: Savjet) dostavljen je poziv za održavanje 8. sjednice Savjeta zakazane za četvrtak 13. 03. 2025. godine, elektronskim putem, sa periodom izjašnjavanja od 9:00 do 15:00 sati.

U predviđenom periodu, izjašnjavanju je pristupilo sedam (7) članica/ova Savjeta.

Prof. dr. Ajla Demiragić i prof. dr. Dženita Hadžijunuzović-Alagić, članice, nisu pristupile izjašnjavanju.

Jednoglasno je usvojen slijedeći

D N E V N I R E D:

1. Zapisnik sa 7. sjednice Savjeta za rodnu ravnopravnost Univerziteta u Sarajevu održane 15. 10. 2024. godine
2. Očitovanje Savjeta za rodnu ravnopravnost na primjedbe i prijedloge na Nacrt Smjernica za prevenciju seksualnog i rodno zasnovanog uznemiravanja na Univerzitetu u Sarajevu – Veterinarskom fakultetu

3. Inicijativa za dodjelu zahvalnice TPO Fondaciji za izuzetan doprinos u izgradnji rodno odgovornog i inkluzivnijeg Univerziteta

TOK SJEDNICE

Ad-1.

Zapisnik sa 7. sjednice Savjeta za rodnu ravnopravnost Univerziteta u Sarajevu održane 15. 10. 2024. godine, jednoglasno je usvojen.

Ad-2.

U vezi sa primjedbama i prijedlozima na Nacrt Smjernica za prevenciju seksualnog i rodno zasnovanog uznemiravanja Univerziteta u Sarajevu – Veterinarskog fakulteta, Savjet za rodnu ravnopravnost je usaglasio slijedeće očitovanje:

- U **uvodnom dijelu Smjernica** potrebno je pozvati se na Etički kodeks Univerziteta u Sarajevu, Akcioni plan za rodnu ravnopravnost Univerziteta u Sarajevu (GAP UNSA) za period 2024–2026. godina, te Protokol o postupanju u slučaju seksualnog i rodno zasnovanog uznemiravanja kao oblika nasilja, u organima uprave, javnim preduzećima, javnim ustanovama i pravnim licima čiji je osnivač Kanton Sarajevo, jer oni predstavljaju važne strateške okvire koji doprinose cjelovitosti Smjernica.
- U **uvodnom dijelu teksta Smjernica** treba navesti termin „u dobroj vjeri“ (*bona fide*), umjesto „dobroj namjeri“.
- Također, u **uvodnom dijelu teksta Smjernica** treba koristiti termin „redovno“, umjesto kvartalno, polugodišnje ili godišnje i sl.
- U **poglavlju 1. Smjernica** preporučuje se zadržavanje termina „radnik/radnica“, jer je isti usklađen sa važećom zakonskom legislativom.
- U **poglavlju 2. Smjernica** potrebno je zadržati formulaciju „Seksualno i rodno zasnovano uznemiravanje“, jer ova formulacija obuhvata i žene i muškarce, kao i druge rodne skupine.
- U **poglavlju 2.1. Smjernica** preporučuje se zamjena termina „verbalnog i neverbalnog ponašanja“ kao i tjelesnih interakcija sa formulacijom „za koje osoba koja je izložena tom ponašanju nije dala pristanak“.
- U **poglavlju 2.1. Smjernica** nakon prvih šest tačaka treba navesti rečenicu iz Etičkog kodeksa Univerziteta u Sarajevu: „Dobronamjerne šale i kritike, kao i spolne i druge interakcije intimne naravi između članova akademske zajednice...“. Nema potrebe navoditi sve odredbe iz Etičkog kodeksa jer se Smjernice u svom uvodnom dijelu već referiraju na odredbe iz istog.
- U **poglavlju 2.2. Smjernica** potrebno je navesti termin „netrpeljivost“.
- Također, u **poglavlju 2.2. Smjernica** treba navesti termin „homofobno maltretiranje“.
- U **poglavlju 3. Smjernica** preporučuje se uvođenje termina „osvetoljubive radnje“.
- U **poglavlju 3.3. Smjernica** potrebno je koristiti termin „seksualna šteta ili patnja“.
- U **dijelu „Postupak po prijavi“** nepotrebno je uvođenje termina „nadležna rukovodeća osoba“.
- U **dijelu „Upozorenja kod prve formalne prijave“** smatra se nepotrebnim dodavanje nove tačke c): „ukoliko se radi o prvoj formalnoj prijavi osobi koja je prijavljena izreći usmeno

upozorenje i tretirati kao lakšu povredu radne obaveze“, jer prva prijava može biti teži oblik seksualnog i rodno zasnovanog uznemiravanja, pa bi u tom slučaju došlo do umanjivanja problema.

Opća zapažanja:

Završni dio „Postupak po prijavi“ preuzet je iz Nacrta Pravilnika o prevenciji i zaštiti od diskriminacije na Univerzitetu u Sarajevu, koji je u proceduri usvajanja, te treba uzeti u obzir mogućnost da neće biti usvojen u formi u kojoj je predložen. S druge strane, uloga savjetnika/ice za prevenciju seksualnog i rodno zasnovanog uznemiravanja je već dobro definisana u samom prijedlogu Smjernica.

Savjet za rodnu ravnopravnost ističe da je Nacrt Smjernica za prevenciju seksualnog i rodno zasnovanog uznemiravanja Univerziteta u Sarajevu – Veterinarskog fakulteta dobro koncipiran, te da se u cilju poboljšanja teksta Smjernica na Vijeću Univerziteta u Sarajevu – Veterinarskog fakulteta razmotri i predmetno očitovanje Savjeta.

Izjašnjenja članica i člana Savjeta čine sastavni dio ovog Zapisnika

Ad-3.

Jednoglasno je donesen zaključak kojim se, u skladu sa odredbama Pravilnika o priznanjima i nagradama Univerziteta u Sarajevu, Odboru za dodjelu univerzitetskih priznanja Univerziteta u Sarajevu, upućuje Inicijativa sa prijedlogom za dodjelu zahvalnice TPO fondaciji za njen izuzetan doprinos u izgradnji rodno odgovornog i inkluzivnijeg Univerziteta.

Projekat „Uvođenje rodno osviještenih politika u visoko obrazovanje“ (UNIGEM) predstavlja stratešku opredijeljenost univerziteta da uvođenjem rodne perspektive osiguraju rodnu ravnopravnost i siguran ambijent za nastavno i nenastavno osoblje, kao i studente i studentice. Cilj projekta je prevencija i borba protiv rodno zasnovanog nasilja, diskriminacije i seksualnog uznemiravanja, uz istovremeno osiguranje integriteta i kvaliteta u visokom obrazovanju. Implementaciju ovog projekta vrši TPO fondacija.

U martu 2025. godine završava se regionalni UNIGEM projekat. Kroz učešće Univerziteta u Sarajevu u UNIGEM projektu u periodu od 2021. do 2025. godine, postignuti su značajni iskoraci u educiranju nastavnog i nenastavnog osoblja, kao i studenata i studentica u implementaciji rodno odgovornih politika na Univerzitetu.

Izjašnjenja članica i članova Savjeta čine sastavni dio ovog zapisnika.

Sjednica je zaključena u 15:00 sati.

PREDSJEDNICA SAVJETA


Prof. dr. Amila Ždralović

Za Zapisnik:


Alma Voloder-Madacki, dipl.iur.

Alma Voloder-Madacki

Pošiljatelj: Amila Ždralović <a.zdralovic@pfsa.unsa.ba>
Poslano: 13. mart 2025. 09:02
Prima: Alma Voloder-Madacki; Jasna Kovacevic; ajla.demiragic@ff.unsa.ba; dzenita.alagic@vfs.unsa.ba; maida.hadzic@ingeb.unsa.ba; belma.memic@fsk.unsa.ba; Zilka Spahic - Siljak; Gaj Trifković; dzana.pinjo@asu.unsa.ba
Kopija: Kabinet Rektora
Predmet: Odg: Nova tčka Dnevnog reda_Inicijativa za dodjelu zahvalnice TPO Fondaciji
Privici: Obrazac za izjašnjavanje prema Dnevnom redu Amila Zdralovic.docx

Zastavica uputa za daljnji rad:

Upute za daljnji rad

Stanje zastavice:

Obilježen zastavicom

Poštovane/i,
u prilogu je popunjen obrazac za izjašnjavanje.

Generalno smatram da su Smjernice dobro uradjene. Postoje manje razlike između kojih izjašnjenja i izjašnjenja kolegice Dženite Alagić. Generalno smatram da nije krucijalno važno da li će se koristiti termin radnik ili zaposlena osoba; vertikalno i horizontalno uznemiravanje je već dobro definisano u Smjernicama, termin "u dobroj vjeri" se uobičajeno koristi itd. Dakle, sve ono za što smatram da je već jasno definisano u Smjernicama nisam komentarisala u obrazloženju. Vidim da strukturom i formulacijom Smjernice uglavnom prate strukturu dokumenta koji je već odavno usvojen na Pravnom fakultetu, ali i na drugim fakultetima (na pr. FPN). Na nekim fakultetima Smjernice su usvojene kasnije, ali su sadržajem znatno unaprijeđene u dijelu definicija rodno zasnovanog uznemiravanja (na pr., Akademija scenskih umjetnosti).

Srdacno,
Amila

Šalje: Alma Voloder-Madacki <alma.voloder-madacki@unsa.ba>

Poslano: srijeda, 12. mart 2025. 08:05

Prima: Jasna Kovacevic <jasna.kovacevic@efsa.unsa.ba>; Amila Ždralović <a.zdralovic@pfsa.unsa.ba>; ajla.demiragic@ff.unsa.ba <ajla.demiragic@ff.unsa.ba>; dzenita.alagic@vfs.unsa.ba <dzenita.alagic@vfs.unsa.ba>; maida.hadzic@ingeb.unsa.ba <maida.hadzic@ingeb.unsa.ba>; belma.memic@fsk.unsa.ba <belma.memic@fsk.unsa.ba>; Zilka Spahic - Siljak <zilka@tpofond.org>; Gaj Trifković <gaj.trifkovic@unsa.ba>; dzana.pinjo@asu.unsa.ba <dzana.pinjo@asu.unsa.ba>

Kopija: Kabinet Rektora <kabinet.rektora@unsa.ba>

Predmet: Nova tčka Dnevnog reda_Inicijativa za dodjelu zahvalnice TPO Fondaciji

Poštovane članice i članovi Savjeta,

u skladu sa e-mailom prof. dr. Jasne Kovačević (u nastavku), dostavljamo dopunjeni prijedlog Dnevnog reda za 8. sjednicu Savjeta za rodnu ravnopravnost koja će se održati elektronskim putem u četvrtak 13. marta 2025. godine u periodu od 9:00 do 15:00 sati.

Dopuna se odnosi na novu tačku 3 – *Inicijativa za dodjelu zahvalnice TPO Fondaciji za izuzetan doprinos u izgradnji rodno odgovornog i inkluzivnijeg Univerziteta.*

Amila Ždralović

Navest ime i prezime članice/člana Savjeta

Izjašnjavanje za

8. SJEDNICU SAVJETA ZA RODNU RAVNOPRAVNOST

Četvrtak 13. 03. 2025. godine sa terminom izjašnjavanja od 9:00 do 15:00 sati

Usvajanje predloženog Dnevnog reda ZA (navesti ZA / PROTIV / SUZDRŽAN)

Saglasna sa Dnevnim redom i dopunom Dnevnog reda.

- 1. Zapisnik sa 7. sjednice Savjeta za rodnu ravnopravnost Univerziteta u Sarajevu održane 15. 10. 2024. godine**

Izjašnjenje: ZA

- 2. Očitovanje Savjeta za rodnu ravnopravnost na primjedbe i prijedloge na Nacrt Smjernica za prevenciju seksualnog i rodno zasnovanog uznemiravanja na Univerzitetu u Sarajevu – Veterinarskom fakultetu.**

Izjašnjenje:

Smjernice usvaja Vijeće Fakulteta, a nisam članica Vijeća Veterinarskog fakulteta. Međutim, kako sam članica Savjeta za rodnu ravnopravnost UNSA od kojeg je zatraženo mišljenje savjeta, u tom kontekstu iznosim stavove u nastavku.

Predloženi tekst je dobro koncipiran i slijedi uobičajenu strukturu Smjernica koje su već usvojene na drugim Fakultetima. Međutim, kako su ovi dokumenti na drugim fakultetima ranije usvojeni, vidim prostora i za unapređenje Smjernica na Veterinarskom fakultetu. Na primjer, u uvodnom dijelu, dio koji se odnosi na dokumente na koje se oslanjaju Smjernice, može se dodati i Protokol o postupanju u slučaju seksualnog i rodno zasnovanog uznemiravanja, kao oblika nasilja, u organima uprave, javnim preduzećima, javnim ustanovama i pravnim licima čiji je osnivač KS. Može se dodati i referenca na Etički kodeks Univerziteta u Sarajevu. Akcioni plan za rodnu ravnopravnost UNSA se usvaja za određeni vremenski period.

Završni dio – postupak po prijavi – preuzet je iz pravilnika koji je tek u proceduru usvajanja. Ne vidim prepreku da ovo ostane u Smjernicama, ali treba uzeti u obzir da je Pravilnik još uvijek u proceduri i identifikira neka nova tijela (na pr, Komisije za zaštitu od diskriminacije, savjetnike/ce za prevenciju diskriminacije...), ali ne postoji garancija da će biti usvojen u formi u kojoj je predložen. S duge strane, uloga savjetnika/ce za prevenciju seksualnog i rodno zasnovanog uznemiravanja je već dobro definisana u samom prijedlogu Smjernica.

Generalnog sam stava da možemo datio pozitivno mišljenje na Smjernice za prevenciju seksualnog i rodno zasnovanog uznemiravanja na UNSA – Veterinarskom fakultetu u formi u kojoj su pripremljene. Dileme imam isključivo u odnosu na završni dio koji preuzima dijelove iz Pravilnika koji je još uvijek u proceduri.

3. Inicijativa za dodjelu zahvalnice TPO Fondaciji za izuzetan doprinos u izgradnji rodno odgovornog i inkluzivnijeg Univerziteta

Izjašnjenje: ZA

Napomena: Ljubazno molimo da ovaj obrazac koristite pri Vašem izjašnjavanju na način da isti, nakon što ispunite u predviđenom periodnu za izjašnjavanje, opcijom *Reply All*, proslijedite i svim članicama i članovima Savjeta.

Belma Memić

Navest ime i prezime članice/člana Savjeta

Izjašnjavanje za

8. SJEDNICU SAVJETA ZA RODNU RAVNOPRAVNOST

Četvrtak 13. 03. 2025. godine sa terminom izjašnjavanja od 9:00 do 15:00 sati

Usvajanje predloženog Dnevnog reda: ZA

Saglasna sa Dnevnim redom i dopunom Dnevnog reda.

1. Zapisnik sa 7. sjednice Savjeta za rodnu ravnopravnost Univerziteta u Sarajevu održane 15. 10. 2024. godine

Izjašnjenje: ZA

2. Očitovanje Savjeta za rodnu ravnopravnost na primjedbe i prijedloge na Nacrt Smjernica za prevenciju seksualnog i rodno zasnovanog uznemiravanja na Univerzitetu u Sarajevu – Veterinarskom fakultetu.

Izjašnjenje:

Slazem se s predloženim Smjernicama, koje su dobro koncipirane i usklađene sa sličnim dokumentima usvojenim na drugim fakultetima. Smatram da postoji prostor za unapređenje, posebno u uvodnom dijelu, gdje bi se mogla dodati referenca na Protokol o postupanju u slučaju seksualnog i rodno zasnovanog uznemiravanja i Etički kodeks UNSA. Također, ističem da je završni dio preuzet iz pravilnika koji je još u proceduri usvajanja, što može predstavljati izazov ukoliko dođe do izmjena.

U tom kontekstu, mogu dati pozitivno mišljenje na Smjernice u predloženoj formi, uz napomenu da treba pratiti dalji razvoj pravilnika i eventualno usklađivanje u budućnosti.

3. Inicijativa za dodjelu zahvalnice TPO Fondaciji za izuzetan doprinos u izgradnji rodno odgovornog i inkluzivnijeg Univerziteta

Izjašnjenje: ZA

Zilka Spahić Šiljak

Navest ime i prezime članice/člana Savjeta

Izjašnjavanje za

8. SJEDNICU SAVJETA ZA RODNU RAVNOPRAVNOST

Četvrtak 13. 03. 2025. godine sa terminom izjašnjavanja od 9:00 do 15:00 sati

Usvajanje predloženog Dnevnog reda ___ZA___ (navesti ZA / PROTIV / SUZDRŽAN)

Izjašnjenje: ZA

1. Zapisnik sa 7. sjednice Savjeta za rodnu ravnopravnost Univerziteta u Sarajevu održane 15. 10. 2024. godine

Izjašnjenje: ZA

2. Očitovanje Savjeta za rodnu ravnopravnost na primjedbe i prijedloge na Nacrt Smjernica za prevenciju seksualnog i rodno zasnovanog uznemiravanja na Univerzitetu u Sarajevu – Veterinarskom fakultetu

Izjašnjenje:

Na temelju dostavljenog dokumenta s primjedbama i sugestijama za korekcije Smjernica moji komentari su sljedeći:

1) Referenca na Etički kodeks i Akcioni plan za rodnu ravnopravnost UNSA

Slazem se s prijedlogom da se u uvodnom dijelu doda referenca na Etički kodeks Univerziteta u Sarajevu i **Gender Akcioni plan (GAP)** za rodnu ravnopravnost UNSA za period 2024–2026. Ovi dokumenti predstavljaju važne strateške okvire koji doprinose cjelovitosti Smjernica.

2) Termin "u dobroj vjeri":

U dobroj vjeri (bona fide) je uobičajen termin treba ga zadržati

3) Termin "redovno":

Zadržati i ovaj termin redovno jer svaka organizaciona jedinica će se za sebe odrediti šta je redovno za njih.

4) Termin "radnik":

Ja bih ovdje predložila uposlena osoba i **osoba u saradničkom odnosu**, (ako je osoba gostujuća profesrica i istraživačica) kako bi se koristio rodno osjetljiv jezik.

5) Seksualno i rodno zasnovano uznemiravanje:

Treba zadržati jer rodno zasnovano uključuje i žene i muškarci i druge rodne skupine.

6) Vertikalno i horizontalno uznemiravanje:

Smatram da je ne treba dodatno pojašnjavati jer ovi pojmovi uključuju sve

7) *Prijedlog da se zamijeni „verbalnog i neverbalnog ponašanja“ kao i tjelesne interakcije novim: „za koje osoba koja je izložena tom ponašanju nije dala pristanak“*
Nepotrebna izmjena

8) *Nakon prvih 6 tačaka da se stavi modificirana rečenica iz etičkog kodeksa „dobronamjerne šale i kritike kao i spolne i druge interakcije intimne naravi između članova akademske zajednice ...*

Nepotrebno je navoditi sve iz Etičkog kodeksa ako se stavi na početku da se Smjernice referiraju na taj document.

9) Termin "neprijateljstvo" vs. "netrpeljivost":

Zadržati termin

10) Termin "homofobno maltretiranje":

Zadržati termin

11) Odmazda vs. osvetoljubive radnje:

Zadržati termin

12) Termin "seksualna šteta ili patnja":

Zadržati termin

13) Uvođenje "nadležne rukovodeće osobe":

Nepotrebno

14) Upozorenje kod prve formalne prijave: *Ubaciti tačku c: ukoliko se radi o prvoj formalnoj prijavi osobi koja je prijavljena izreći usmeno upozorenje i tretirati kao lakšu povredu radne obaveze*

Mislim da ovo ne smije biti dodano jer prva prijava može biti teži oblik seksualnog i rodno zansovanog uznemiravanja pa bi onda ubacivanje tačke c bilo umanjivanje problema.

3. Inicijativa za dodjelu zahvalnice TPO Fondaciji za izuzetan doprinos u izgradnji rodno odgovornog i inkluzivnijeg Univerziteta

Izjašnjenje:ZA

Napomena: Ljubazno molimo da ovaj obrazac koristite pri Vašem izjašnjavanju na način da isti, nakon što ispunite u predviđenom periodnu za izjašnjavanje, opcijom *Reply All*, proslijedite i svim članicama i članovima Savjeta.

Maida Hadžić Omanović

Navest ime i prezime članice/člana Savjeta

Izjašnjavanje za

8. SJEDNICU SAVJETA ZA RODNU RAVNOPRAVNOST

Četvrtak 13. 03. 2025. godine sa terminom izjašnjavanja od 9:00 do 15:00 sati

Usvajanje predloženog Dnevnog reda ZA (navesti ZA / PROTIV / SUZDRŽAN)

1. Zapisnik sa 7. sjednice Savjeta za rodnu ravnopravnost Univerziteta u Sarajevu održane 15. 10. 2024. godine

Izjašnjenje: ZA

2. Očitovanje Savjeta za rodnu ravnopravnost na primjedbe i prijedloge na Nacrt Smjernica za prevenciju seksualnog i rodno zasnovanog uznemiravanja na Univerzitetu u Sarajevu – Veterinarskom fakultetu

Izjašnjenje:

Izražavam pozitivan stav na Nacrt Smjernica Veterinarskog fakulteta UNSA i saglasna sam za referiranje na Etički kodeks i GAP UNSA (2024-2026). Za ostale sugestije smatram da je veoma bitno ispoštovati rodno senzitivni jezik, a za ostale primjedbe i prijedloge koje su uglavnom terminološke prirode konsultovati kolegice i kolege iz oblasti prava.

Moje dodatno zapažanje je da je Nact Smjernica dostavljen kao *blank* dokument, a ne na memorandumu Veterinarskog fakulteta UNSA, stoga sam u dilemi koji način je ispravan.

3. Inicijativa za dodjelu zahvalnice TPO Fondaciji za izuzetan doprinos u izgradnji rodno odgovornog i inkluzivnijeg Univerziteta

Izjašnjenje: ZA

Napomena: Ljubazno molimo da ovaj obrazac koristite pri Vašem izjašnjavanju na način da isti, nakon što ispunite u predviđenom periodu za izjašnjavanje, opcijom *Reply All*, proslijedite i svim članicama i članovima Savjeta.

Džana Pinjo Haračić

Navest ime i prezime članice/člana Savjeta

Izjašnjavanje za

8. SJEDNICU SAVJETA ZA RODNU RAVNOPRAVNOST

Četvrtak 13. 03. 2025. godine sa terminom izjašnjavanja od 9:00 do 15:00 sati

Usvajanje predloženog Dnevnog reda _____ (navesti ZA / PROTIV / SUZDRŽAN)

1. Zapisnik sa 7. sjednice Savjeta za rodnu ravnopravnost Univerziteta u Sarajevu održane 15. 10. 2024. godine

Izjašnjenje: ZA

2. Očitovanje Savjeta za rodnu ravnopravnost na primjedbe i prijedloge na Nacrt Smjernica za prevenciju seksualnog i rodno zasnovanog uznemiravanja na Univerzitetu u Sarajevu – Veterinarskom fakultetu

Izjašnjenje: ZA

Imam pozitivno mišljenje u odnosu na Smjernice za prevenciju seksualnog i rodno zasnovanog uznemiravanja na UNSA u obliku u kojem jesu.

Slažem se sa primjedbom

1) Referenca na Etički kodeks i Akcioni plan za rodnu ravnopravnost UNSA-dodati Gender akcioni plan (GAP) za rodnu ravnopravnost UNSA za period 2024-2026

Za ostale primjedbe, koje su većinom terminološke prirode, poštujući rodno senzitivnu terminologiju, najbolje bi bilo konsultovati stručnjaka iz pravne oblasti.

3. Inicijativa za dodjelu zahvalnice TPO Fondaciji za izuzetan doprinos u izgradnji rodno odgovornog i inkluzivnijeg Univerziteta

Izjašnjenje: ZA

Dr. sci. Gaj Trifković

Izjašnjavanje za

8. SJEDNICU SAVJETA ZA RODNU RAVNOPRAVNOST

Četvrtak 13. 03. 2025. godine sa terminom izjašnjavanja od 9:00 do 15:00 sati

Usvajanje predloženog Dnevnog reda_____ (navesti ZA / PROTIV / SUZDRŽAN)

- 1. Zapisnik sa 7. sjednice Savjeta za rodnu ravnopravnost Univerziteta u Sarajevu održane 15. 10. 2024. godine**

Izjašnjenje: ZA

- 2. Očitovanje Savjeta za rodnu ravnopravnost na primjedbe i prijedloge na Nacrt Smjernica za prevenciju seksualnog i rodno zasnovanog uznemiravanja na Univerzitetu u Sarajevu – Veterinarskom fakultetu**

Izjašnjenje: Saglasan sam sa primjedbama dostavljenim od strane prof. dr. Spahić-Šiljak i prof.dr. Ždralović.

- 3. Inicijativa za dodjelu zahvalnice TPO Fondaciji za izuzetan doprinos u izgradnji rodno odgovornog i inkluzivnijeg Univerziteta**

Izjašnjenje: ZA

Napomena: Ljubazno molimo da ovaj obrazac koristite pri Vašem izjašnjavanju na način da isti, nakon što ispunite u predviđenom periodu za izjašnjavanje, opcijom *Reply All*, prosljedite i svim članicama i članovima Savjeta.

Jasna Kovačević

Navest ime i prezime članice/člana Savjeta

Izjašnjavanje za

8. SJEDNICU SAVJETA ZA RODNU RAVNOPRAVNOST

Četvrtak 13. 03. 2025. godine sa terminom izjašnjavanja od 9:00 do 15:00 sati

Usvajanje predloženog Dnevnog reda _____ (navesti ZA / PROTIV / SUZDRŽAN)

- 1. Zapisnik sa 7. sjednice Savjeta za rodnu ravnopravnost Univerziteta u Sarajevu održane 15. 10. 2024. godine**

Izjašnjenje: ZA

- 2. Očitovanje Savjeta za rodnu ravnopravnost na primjedbe i prijedloge na Nacrt Smjernica za prevenciju seksualnog i rodno zasnovanog uznemiravanja na Univerzitetu u Sarajevu – Veterinarskom fakultetu**

Izjašnjenje: ZA

Generalno, podržala bih Nacrt Smjernica za prevenciju seksualnog i rodno zasnovanog uznemiravanja na UNSA, uz uvažavanje sugestija koje su iznijele prof. Zilka Spahić Šiljak i prof. Amila Ždralović.

- 3. Inicijativa za dodjelu zahvalnice TPO Fondaciji za izuzetan doprinos u izgradnji rodno odgovornog i inkluzivnijeg Univerziteta**

Izjašnjenje: ZA

Napomena: Ljubazno molimo da ovaj obrazac koristite pri Vašem izjašnjavanju na način da isti, nakon što ispunite u predviđenom periodu za izjašnjavanje, opcijom *Reply All*, prosljedite i svim članicama i članovima Savjeta.